

來鳳縣志

來鳳縣志

來鳳縣志卷三十一

藝文志

詩

五言古詩

蕉溪與及門諸子說易兼簡黃明府肅齋周滙江

許金圃兩廣文用昌黎南山韻

新化貢生

陳魁春

大蠟

易爲五經原鬼神在其圖畫前有易書畫後如錯繡周
文作圓圖大彖綜營腴至哉元公心爻象理宗透十翼
作尼山團辭無挂漏生著贊神明衍數稽變就可與人

酬酢亦可與神祐吉凶悔吝生何以明兆繇冥冥天體
高綿綿地折衷萬物並化醕男女得精構陰陽本無差
情狀何異候易書備廣大不停昏與晝聖人同民患貞
晦誰發覆子木去已遙曷如親受授講家大紛拏師傳
各俎豆研易似少陵祇爲吟詩瘦滿堂羅諸生說經須
破簪五鹿雲折角斯人未易覲懸看先後圖胸垢苦蒙
愁天地有定位忽易乾坤竇離坎已分門日南月北走
風雷山澤居羲文若背謬衍母何所倚衍子何多又五
行列卦中幾疑若遇寇八卦與五章奚以若婚媾載鬼

盈一車張弧未弛殼觀象玩其辭欲言慚誼譎乾象六
爻龍飛五初潛豎見惕惟聖人亢則不可救坤利牝馬
貞先迷得在後黃裳獲元吉于野戒龍鬪無言化自成
物物神刻鏤一週十二辟辟辟如列岫春令有句芒孳
尾及鳥獸走者勤鬻乳飛者生噉殼欣欣木向榮草色
吐新秀造化真治爐鎔春遍宇宙夏令司祝融陰氣鍾
於垢朱雀啟文明咸章去樸陋羲叔秩南訛主伯徂耘
耨薰風入虞絃雲行雨傾霤秋令蓐收司火傘爲誰收
南雁北來賓霜風驕景驚皎月浴銀河寒潭照列宿木

葉下沉湘秋巖嘯猿狖冬令主元冥釁英吉凶究至日
嚴閉關冬暄愛烘灸星昴驗昏中民隕手多袖倚閣問
梅花天心見來復易道帝王師論政非強湊囊括典謨
言悉歸育對茂君子布經綸猶如風雨驟泰來歌卿雲
否傾聞雉雊申命緬三王宣猷殊并甃萬國慶咸甯庶
物推出首易造夫婦端理洽關雎奏作樂備詩歌家睽
臼攘詬取物及萑葦取象該瓊琇稱位詠羔裘晉上戎
飛颺戍婦感歲時夫征占久逗邪思易所閑味言如飲
耐易中典禮行禮嚴不可狃天澤以定民上下與長幼

朝會制衣裳車輿制輻輳觀需造飲食觀鼎用烹飪天
祖禮當尊萃煥隆廟醕大壯謹弗履惟謙德乃懋易書
一春秋取義斷羣噉臣道重尊王筆凜河陽狩歸妹猶
歸姜正始言同臭城費嚴履霜至冰非邂逅庶馬錫康
侯醴酒賜享侑田禽利執言書討罪不宥忝伍與錯綜
森森羅廬廡主卦戒卦主如師統介冑天圓旣旋左地
方何轉右天干旣起子德運何生戊火龍鱗不焦水虎
止不仆乾策坤策中鱗鱗若波皺互變各不同熟視空
疲脰作易憂甚深處世如遷貿身若檠株拘經膏何以

漱有繫亦有說有序亦有糅河內得三篇豈是新聞舊
思順數逆數亂麻嫌久滙費學號古文其言直如溜災
異重京房其說多不售庚子拜雖恭等身徒課造父母
切耳提靳馬呼停柩周孔同一心年湮不再遘哆口肆
高談類枉三番呪安似摹石經意匠窮宣籀 熙朝重
經術多士誦新標明府學素優敷政恢佐佑稽古育英
才執經羣得購廣文劇好道聲振秘書副擁臯鳴鏘鏘
勦說嗤牙餽餽粟主人賢三年慚淹留數公經袖儒不
僅多文富箋叟論俱同識說拈花嗅疑義久未晰爲我

啟錮疾雷霆風雨囊談經庶償儗

莊邑侯殉難詩

邑拔貢王廷弼斌夫

到官甫三月山城燭白蓮相與興義勇倉卒無人烟賊
衆奪公去云公是好官好官不可殺但令勿生還或曰
不殺官此舉爲無名全屍瘞墻下直待時太平今朝同
公子啟殯易冠纓裹老喪旣歸先軫面如生忠義格天
日如公極哀榮臯復及今茲招魂淚如洗愧我同公戰
未得同公死公死猶如生公名不朽矣尚賴公英靈滅
賊靖邊鄙送公昭忠祠英風鎮千紀

來鳳王生小艘以拔萃試京師被落將還苦索贈
詩挑燈成此以塞吾友之意諺云泥佛勸土佛
執筆赧然嘉慶甲戌仲冬肫書於朱文正師舊
宅

前學鮑桂星
政

覺生

王生歸荆南倚馬索贈言我何以贈生述古當新篇易
云謙有終寶儉老所傳謙則客氣屏儉則介節豎爲君
試揚摧四座請勿喧人生天壤內晝食而夕眠同此七
尺軀我獨奚異焉最古號才子兩目空八埏文接馬班
踵詩拍李杜肩傲睨皇古上放浪師友前況復不修檢

仙健且輕儇風流敗名教談笑積憂與欲遂于鬼神怒畢
世罹速邅總因一念肆不肯佩韋絃反而痛自克江海
下百川至於慎取與此中宜有權苟非吾所有一介猶
山淵食民間二卯王城尚可捐視道傍遺金割席甯舍
旃所以不廉故皆由儉德難衣食與聲色谿壑不可填
尺寸少縱軼尋丈踰防閑畫壑啜吾粥憂樂天下關卓
哉范文正壁立萬仞巔平生於二者服膺頗拳拳行年
逮知非清夜良恧然百端未踐一始歎行之艱生也不
羈才崛起楚蜀間見我稱弟子執禮恭且虔家貧性則

介不與時俗遷二者生所優饒舌慙豐干爲學貴精進
覆簣成邱山樹德務滋培時雨潤良田吾躬恥不逮吾
語出古先請效顏回贈不須繞朝鞭

癸亥七月初六日書事

選用張鑑鏡如
通判

同治癸亥秋七月初六日逆黨李復猷由川而黔出擁
衆數萬人狼鴟厲且疾焚掠蝦蟆池與吾實相逼風鶴
時聞警羽書疊告急或覓險砦逃或向高洞匿稚子路
旁棄老人街前泣斗大一石城勢決又必失民心忽然
回父詔兄勉力皆言民盡去官何以獨立官好民棄官

患難誰保卹衆志城可成況有城之邑其者相勉還從
者復勸集團練一時齊戈矛各監植鼓輦壯風聲旌旗
耀日色賊聞有備矣宵遁之他國嗟哉牧民者端貴有
仁術仁則危可安不仁凶少吉前後一齊觀斯理大可
必

烈女井

邑諸生

雷錫慶

懷卿

烈女姓孫氏父文登儒者乾隆辛巳墮伏虎洞
水中死母熊氏遺腹生烈女改適周姓周後物
故烈女已及笄矣母多失德屢陰諫之不聽轉

加凌虐狂且復誘脅之遂於己亥七月投北門
外井中死時天暴蒸屍從井中出顏色如生生
員歐陽祖璵親見其事紀其顛末道光間茂才
雷錫慶偕同人立石井畔並刻以詩

借彼井中水爲儂洗塵襟儂有何塵洗節此鑒儂心儂
心清如水誓不受塵侵

邑侯王公筱華殉難詩

歲貢生安陸縣訓導張揆立堂

松柏本有心心能傲霜雪竹箭本有筠筠不畏磨折正
氣鍾於人時窮乃見節公昔宰吉陽同舟識邦桀蕉溪

公既來匪徒迹消滅爲民預籌荒社倉穀千石政行恩
與威誰可比賢哲髮逆竄城中挺然寶劒掣相鬪力不
支捐軀以報國踞久賊遠颺屍尋北濠得守護仗鬼
神禽獸不咀齧向目猶如生精靈竟獨絕骸骨歸故鄉
士女咸悲切仰蒙高厚恩祠祀獎忠烈

七言歌行

秋千曲

曾稽進士施南府同知

商

盤寶意

散毛司畔多邨舍桺稊乍生梅欲謝蠻姑結隊鬪輕盈
早春已見秋千架秋千之架高如雲鳳翥鸞翔影不分

外鳳鼎三
卷之三十一
翩翩可惜落荒土未展六幅湘波袞黑巾羅羅留部曲
蘆管聲中男女逐此戲還堪紀歲華相沿何用移風俗
君不見豪家高館三月時十尋彩索雙畫旗江南舊夢
成追憶安得梨花作寒食

蠻刀歌

商盤

沙渠土司悍且豪大爲容美小散毛納地久降諸岡長
尚存蠻種懸蠻刀此刀出匣三尺水吳潭素練翻秋濤
春鷗長毛白皎潔鷺鷥安用尋常膏蠻兒捷健逞身手
累年剽掠撲相遭官軍緩攻議勦撫居民雜處思犇逃

留茲利刀經戰鬪往往深夜鳴鳴號卽今向化買牛犢
兼有就學嫻風騷朝廷威德加四海合兵不用臯蘭
麋羅平妖鳥避鷹犬大宛天馬隨葡萄東南自充財賦
藪零星荒土輕秋毫莫安有方賴守牧奸宄何日潛蓬
蒿孟勞伏哭本凶器昇平盛世宜藏菽寒光如髮照無
寐起看太白西方高

閻公表忠歌題前廣文殉難甘公墓

來鳳訓導李大訓香圃

先生之學在求仁先生之官在明倫學不求仁必苟祿
官不明倫必受辱先生之死重邱山清風高節邈難攀